



Broj: 03-19-1849/22

Datum: 23.01.2023. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), člana 200. Zakona o upravnom postupku ("Službene novine Federacije BiH" br. 2/98 i 48/99), a na prijedlog Komisije za javnu nabavku roba, usluga i radova, v.d. Općinskog načelnika d o n o s i

O D L U K U **o izboru najpovoljnijeg ponuđača**

I

Za najpovoljnijeg ponuđača za javnu nabavku radova: „Izvođenje radova na sanaciji Općinskih poslovnih prostora u ulicama Skendera Kulenovića broj 71 i Samira Gradišića broj 16“, po provedenom otvorenom postupku javne nabavke izabran je sljedeći ponuđač:

FADŽ-COMPANY d.o.o. Sarajevo **sa ukupnom cijenom od 13.476,04 KM**

(slovima: trinaesthiljadačetiristotinesedamdesetšest i 04/100 konvertibilnihmaraka) bez uračunatog PDV-a, odnosno 15.766,96 KM (slovima: petnaesthiljadasedamstotinašezdesetšest i 96/100 konvertibilnihmaraka) sa uračunatim PDV-om

II

Za izvršenje ove Odluke zadužuje se Služba za privredu, integrisani lokalni razvoj i društvene djelatnosti.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

IV

Odluka o izboru najpovoljnijeg ponuđača objavit će se na web stranici www.vogosca.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke v.d. Općinskog načelnika broj: 03-19-1849/22 od 29.11.2022. godine.

Procijenjena vrijednost javne nabavke bez uračunatog PDV-a je: 13.500,00 KM (slovima: trinaesthiljadapetstotina konvertibilnihmaraka).

Obavještenje o javnoj nabavci broj: 1353-1-3-209-3-245/22 od 30.11.2022. godine, poslano je na objavu na Portal javnih nabavki.

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-1966/21 od 28.12.2021.godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da je dana 20.01.2023. godine, pristigle ponude slijedećih ponuđača:

Redni broj	Naziv i sjedište ponuđača
1.	FADŽ-COMPANY d.o.o. Sarajevo
2.	SELA d.o.o. Sarajevo

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 20.01.2023. godine u 16³⁰ sati, radi pregleda i ocjene prispjelih ponuda, te je konstatovala slijedeće:

a) Prihvatljiva ponuda

Ponuda ponuđača FADŽ-COMPANY d.o.o. Sarajevo je prihvatljiva jer ispunjava kvalifikacione uslove (lična sposobnost, sposobnost za obavljanje profesionalne djelatnosti, tehničke i profesionalne sposobnosti) zahtjevane u tenderskoj dokumentaciji.

b) Nepravilna i neprihvatljiva ponuda

Nepravilna je ponuda ponuđača SELA d.o.o. Sarajevo, jer se u ponudi na strani 6. nalazi ispravka hemijskom olovkom koja nije potvrđena potpisom ponuđača, uz navođenje datuma ispravke, a kako je zahtijevano tačkom 8.1.14. tenderske dokumentacije, kojom je propisano kako slijedi: „Ispravke u ponudi moraju biti izrađene na način da su vidljive. Ispravke moraju biti potvrđene potpisom ponuđača, uz navođenje datuma ispravke.“

Također, ponuda ponuđača SELA d.o.o. Sarajevo sa ukupnom vrijednosti ponude, bez uračunatog PDV-a u iznosu od 14.088,94 KM, prelazi odobrena sredstva predviđena za realizaciju predmetne javne nabavke, koja iznose 13.500,00 KM.

U skladu sa naprijed navedenim ponuda ponuđača SELA d.o.o. Sarajevo se kao takva nije mogla uzeti u dalje razmatranje.

Komisija za javne nabavke je izvršila analizu cijena prihvatljivih ponuda, te konstatovala da ponuda ponuđača FADŽ-COMPANY d.o.o. Sarajevo sadrži računsku grešku, po jediničnoj cijeni, a koja se odrazila na ukupnu ponuđenu cijenu navedenu u ponudi broj: 02-18/23 od 19.01.2023. godine, i ista treba da iznosi: 13.476,04 KM bez uračunatog PDV-a, a ne 13.490,04 KM bez uračunatog PDV-a.

U skladu sa odredbama člana 9.5.1 tenderske dokumentacije ponuđaču je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku..

Rangiranje prihvatljivih ponuda prema kriteriju za izbor ponude.

Kriterij za dodjelu ugovora je najniža cijena.

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	FADŽ-COMPANY d.o.o. Sarajevo	13.476,04	/	13.476,04

Komisija za javnu nabavku roba, usluga i radova jednoglasno je predložila v.d. Općinskog načelnika da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača FADŽ-COMPANY d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 13.476,04 KM (slovima: trinaest hiljada četiristina sedamdeset šest i 04/100 konvertibilnih maraka) bez uračunatog PDV-a, odnosno 15.766,96 KM (slovima: petnaest hiljada sedamstina šezdeset šest i 96/100 konvertibilnih maraka) sa uračunatim PDV-om, te da se ponuđaču FADŽ-COMPANY d.o.o. Sarajevo dodijeli Ugovor.

U postupku ocjene provedenog postupka v.d. Općinskog načelnika nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

Izradila: Jasna Salihović

Kontrolisala: Melisa Kršo



DOSTAVITI:

- FADŽ-COMPANY d.o.o. Sarajevo
- SELA d.o.o. Sarajevo
- Nadležnoj Službi
- a/a